



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

PLAN RADA

Udruženja inženjera i tehničara šumarstva Federacije Bosne i Hercegovine (UŠIT FBiH) za 2012. godinu

Imajući u vidu planirane aktivnosti i rezultate koje je UŠIT postigao u prethodnom periodu, okvirnim planom rada UŠIT-a za 2012. godinu predlažu se slijedeći ciljevi i odgovarajuće aktivnosti u cilju njihove realizacije.

1. Jačanje kapaciteta i unaprijeđenje rada UŠIT-a

- Izmjene i dopune Statuta udruženja u skladu sa novonastalom situacijom u vezi promjene sjedišta Udruženja.
- Donošenje internih akata i procedura neophodnih za efektivnije funkcioniranje UŠIT-a i svih njegovih organa.
- Stvaranje preduslova za aktivan rad svih organa i komisija UŠIT-a (komisije za PR, zakonodavstvo, međunarodnu saradnju, marketing, prijem u članstvo, izdavačku djelatnost, lovstvo, radna grupa za certificiranje i sl.).
- Otvaranje mogućnosti stažiranja (internship-a) studenata šumarstva u cilju pružanja tehničke podrške Sekretaru Udruženja.
- Obavezno unaprijeđenje strukture i sadržaja, te kontinuirano održavanje WEB stranice UŠIT-a.

2. Osiguranje stabilne finansijske konstrukcije za funkcioniranje UŠIT-a

- Potpisivanje i realizacija bilateralnih ugovora o kolektivnom članstvu sa preduzećima šumarstva i ostalim zainteresiranim pravnim licima.
- Aplikiranje za sredstva podrške Federalnog Fonda za zaštitu okoliša u cilju izrade Fotomonografije šuma Bosne i Hercegovine
- Aplikiranje (u saradnji sa Šumarskim fakultetom i ostalim institucijama) na međunarodna sredstva z realizaciju projekta Ekološke diplomatije.
- Aplikiranje na ostale javne pozive za realizaciju projekata raspisane od strane domaćih i stranih institucija iz djelokruga rada i interesa UŠIT-a. Pretpostavka za realizaciju ove aktivnosti je aktivan angažman svih članova UŠIT-a.
- Intenziviranje kontakata sa društveno odgovornim javnim i privatnim preduzećima u cilju osiguranja sponzorstva, donacija i finansijske podrške za rad UŠIT-a.
- Aplikiranje na namjenska sredstva usmjerena na unaprijeđenje sektora šumarstva.

3. Povećanje broja članova i kreiranje baze podataka o članstvu UŠIT-a

- Kontinuirano provođenje popunjavanja pristupnica, izdavanja članskih iskaznica i uspostave registra članova UŠIT-a.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Izrada internih akata u vezi priznanja zaslužnim pojedincima i institucijama, te uspostava registra počasnih i zaslužnih članova.
- Realiziranje koncepta kolektivnog članstva svih preduzeća šumarstva u BiH koja prepoznaju UŠIT kao strukovno udruženje koje promovira njihove interese i posvećeno je unaprijeđenju gospodarenja i zaštite šumskih resursa.
- Promoviranje koncepta kolektivnog članstva za sva pravna lica unutar i van sektora šumarstva koja prepoznaju UŠIT kao strukovno udruženje koje promovira njihove interese i posvećeno je unaprijeđenju gospodarenja i zaštite šumskih resursa.
- Promoviranje koncepta individualnog članstva u UŠIT-u.
- Podsticanje prijema mladih u članstvo UŠIT-a a posebno studenata Šumarstva i srodnih fakulteta.
- Realiziranje programa stipendiranja studenata šumarstva i učenika srednjih šumarskih škola.

4. Aktivno uključivanje UŠIT-a u aktuelna pitanja u vezi šumarstva i jačanje saradnje na nacionalnom i međunarodnom nivou

- Kontinuirano izražavanje spremnosti UŠIT-a da konstruktivno saraduje sa svim relevantnim subjektima u oblasti šumarstva, zakonodavnom i izvršnom vlašću, nevladinim sektorom, naučno - obrazovnim institucijama i međunarodnim organizacijama u cilju očuvanje šumskih resursa i unaprijeđenja razvoja sektora šumarstva u BiH.
- Aktivno učešće organa i članova UŠIT-a u aktivnostima i procesima razvoja nacionalne šumarske i okolišne politike, koji su inicirani od strane vladinih organa, nevladinog sektora, naučnih institucija, preduzeća i sl.
- Jačanje uloge i doprinosa UŠIT-a u saradnji sa strukovnim šumarskim udruženjima a posebno u radu Savjeta šumarskih udruženja Bosne i Hercegovine na principima uzajamnih partnerskih odnosa i fer distribucije uloženi napora i ostvarenih efekata.
- Uspostava i unaprijeđenje saradnje u najširem smislu sa sličnim strukovnim organizacijama šumarstva u regionu i šire, u cilju promoviranja razmjene iskustava i stručnih dostignuća.
- Organiziranje učešća zainteresiranih članova UŠIT-a (na komercijalnoj osnovi) na sportskim i stručnim manifestacijama (npr. EFNS 2012) na regionalnom i međunarodnom nivou.
- Učešće predstavnika UŠIT-a na međunarodnim naučnim skupovima u BiH i inostranstvu (IUFRO D9 konferencija u Sarajevu i sl.)

5. Unaprijeđenje imidža šumarske struke u javnosti

- Uspostavljanje saradnje sa ministarstvima obrazovanja, školama i ostalim edukacionim ustanovama u cilju ekološke edukacije djece i omladine, postizanja efekata šumarske pedagogije i promoviranja značaja šuma i uloge šumarske struke.
- Prikupljanje muzejske građe i eksponata za formiranje novih i održavanje postojećih postavki muzeja šumarstva u BiH.
- Nastavak projekta formiranja park-šume tursko-bosankohercegovačkog prijateljstva u cilju promoviranja rekreacije, edukacije i unaprijeđenja kvaliteta života stanovništva u Sarajevu.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Provođenje konzistentnog programa kontinuirane saradnje sa medijima, unaprijeđenja odnosa s javnošću i promoviranja značaja šumskih resursa i šumarske struke u javnosti.
- Oglašavanje UŠIT-a u printanim i elektronskim medijima i na WEB stranici udruženja po pitanju obilježavanja značajnih datuma iz oblasti šumarstva i zaštite okoliša.
- Oglašavanje UŠIT-a povodom svih aktuelnih pitanja iz sektora šumarstva, lovstva i zaštite prirode.

6. Jačanje edukacionih aktivnosti i promoviranje stručnog unaprijeđenja članova UŠIT-a

- Organizacija minimalno dva jednodnevna, stručno-edukativna seminarra za članove UŠIT-a na temu aktuelnih problema u sektoru šumarstva.
- Aktivno učešće na stručnim seminarima, savjetovanjima i raspravama po aktuelnim temama vezanim za djelovanje UŠIT-a a posebno onim koje se odnose na oblast šumarstva, zaštite prirode i lovstva.
- Učešće na domaćim i međunarodnim kongresima, simpozijumima i konferencijama po aktuelnim temama vezanim za djelovanje UŠIT-a a posebno onim koje se odnose na oblast šumarstva, zaštite prirode i lovstva.
- Organizacija (na komercijalnoj osnovi) posjete članova UŠIT-a sajmovima šumarstva i lovstva (npr. INTERFORST) u BiH i inostranstvu.
- Organizacija i učešće u studijskim i stručnim ekskurzijama u BiH i inostranstvu.
- Nastavak aktivnosti na promoviranju koncepta cjeloživotnog učenja i licenciranja šumarskih stručnjaka putem organiziranja Šumarske komore FBiH.
- Učešće u organiziranju godišnje konferencije o šumarstvu BiH u saradnji sa projektom FIRMA, Šumarskim fakultetom i ostalim domaćim i međunarodnim institucijama

7. Jačanje izdavačke djelatnosti

- Kontinuirano izdavanje časopisa "Naše šume" uz veće angažovanje šumarskih naučnika i stručnjaka i očuvanje postojećeg nivoa referentnosti časopisa.
- Pokretanje aktivnosti publikovanja prigodnih stručnih knjiga, publikacija i monografija (npr. Fotomonografije šuma Bosne i Hercegovine, prevod i štampanje knjige von Dimitza i sl.), u zavisnosti od raspoloživih finansijskih sredstava.

Preduslov za realizaciju svih navedenih aktivnosti je osiguranje neophodnih finansijskih sredstava, posvećenost i angažman članova Predsjedništva i ostalih organa ali i svih članova UŠIT-a.

Svi prijedlozi i sugestije u cilju unaprijeđenja Plana rada za 2012. godinu su dobro došli a posebno od strane delegata Skupštine UŠIT-a.

Zamjenik predsjednika

Jusuf Čavkunović, dipl. ing.